

glücklich / sonderlich auff der See oder zu Meer / wo jekund Floten aneinan-
der kommen/da wird es irawrige schreckliche Händel abgeben. Zu Land/ oder
in vnsern Landen kan es etliche Tage schwül seyn / vnnnd grosse Hitz mit star-
ckem Donner abgeben. Dieser Aspect drohet wunderbarliche Händel vnter
Geistlichen / da man gute Wort außgibt / die gelinder seyn denn Del / vnd
glätter als Butter / vnd doch scharffe Schwerdter / darein man sich leichtlich
verwunden kan. Vnter grossen (sonderlich geistlichen Potentaten) gibts
wunderbarliche Händel / die zwar zum Fried vnd Vertrag ein feines Ansehen
haben/ aber nur auß Betrug/ vnd ist kein rechter Ernst darbey/ Schloffer vnd
veste Berter halten jekt gute Wachen / daß sie nicht entweder verrathen/ oder
ja doch sonst bey nächstlicher Weil überstiegen werden/ Betrug vnnnd Ver-
rätheren wird sehr gemein seyn.

Voller Monschein den 5. (gleich beym Eingang oder Anfang der Hunds-
Tage) zu frü vmb 2. vhren vor Tages / grosse Hitz / aber doch nicht ohne kühl-
le Lufft / sonderlich zu frü / vnd demnach jekund drey Planeten ihre Quartier
verändern / dann erstlichen ist Mercurius vor zween Tagen in den Krebsen
getretten / vnd Morgen den 6. diß (gleich beym anfang der Hundstage / dem
gemeinen Glauben nach) erreicht Venus ihren *Casum* die Jungfraw / vnd
stracks abermal ander 7. Tages darauff / als Sontage/ den 7. nimbt Mars sei-
ne *triplicitet* den Löwen ein / kan seltsame wunderbare Veränderung im Ge-
witter von allerhand widerwertigen Sturmwinden / Donner / Blitz / grosse
schwüle Hitz mit sich bringen / vnd ist doch gleichwol den 9. wegen deß *Trigoni*
♁♃. Item / den 10. wegen der abermalichen *Trigonorum* ♁♃/♁♃/♁♃ / ges-
schlachte warme Regen bringen.

Jupiter ist jekt gar langsamen Lauffes / wird bald gar stillständig / sihet
sich vmb / wo er mit seinem vorhabenden *directo motu* hinaus wil / ist also der
Erden gar nahe / vnd scheint nach der Sonnen Vntergang im Sudwest/
gar groß / schön vnd herrlich / ist ohne zweiffel recht warm / schwül vnd hitzig.
Jedoch den 11. 12. vnstet / mit Regengewölck vermengert / den 13. (23. N. C.)
zu frü vmb 3. vhr. vnd 19. min. vor der Sonnen Auffgang / stehet der Mond
im lextern Viertel / vnd darauff einh. lbe Stund nach 8. vhren vnd noch 2.
min. drüber erlanget die Sonne den hitzigen Löwen / vnd den 14. wird Jupi-
ter gar *directus*; gibt schwüle Hitz / doch darbey starcke Donner / mit schwar-
zen vnfreundlichen Gewölck / die beede Löwen haben jekt gewaltige Sachen